

彊邛叢書



龜溪二隱詞目錄

李彭老

木蘭花慢

高陽臺

一萼紅

探芳訊

踏莎行

四字令

壺中天

祝英臺近

章臺月

壺中天

法曲獻仙音

高陽臺

祝英臺近

浪淘沙

生查子

木蘭花慢

清平樂

青玉案

浣溪沙

天香

摸魚子

李萊老

惜紅衣

青玉案

揚州慢

謁金門

浪淘沙

生查子

高陽臺

太蘭花慢

清平樂

臺城路

浪淘沙

杏花天

小重山

倦尋芳

點絳脣

西江月

清平樂

龜溪二隱詞

篋房李彭老商隱

木蘭花慢

正千門繫柳賜宮燭散青煙看秀靨芳脣塗妝暈色試
盡春妍田田滿階榆莢弄輕陰淺冷似秋天隨處錫香
杏暖燕飛斜鞦韆朱絃幾換華年扶淺醉落花前
記舊時遊冶鐙樓倚扇小院移船吟邊夢雲飛遠有題
紅都在薛濤牋聽絕殘簫倦笛夜堂明月窺簾
壺中天

登寄閒吟臺

素飆蕩碧喜雲飛寥廓清透涼宇倦鵲驚翻臺榭迴葉

葉秋聲歸樹珠斗斜河水輪輾霧萬里青冥路香深屏
翠桂邊滿袖風露煙外冷逼玻璃漁郎歌渺擊空明
歸去怨鶴知更蓮漏悄竹裏篩金簾戶短髮吹寒閒情
吟遠弄影花前舞明年今夜玉樽知醉何處
高陽臺

落梅

飄粉杯寬盛香袖小青青半掩苔痕竹裏遮寒誰念滅
盡芳雲么鳳叫晚吹晴雪料水空煙冷西泠感彫零殘
縷遺鈿也邐成塵東園曾趁花前約記按箏籌酒戲
挽飛瓊環佩無聲草暗臺榭春深欲倩怨笛傳清譜怕
斷霞難返吟魂轉消凝點點隨波望極江亭

法曲獻仙音

官圃賦梅繼草窗韻

雲木槎枒水荇搖落瘦影半臨清淺翠羽迷空粉容羞
曉年華柱絃頻換甚何遜風流在相逢共寒晚總依
黯念當時看花遊冶曾錦纜移舟寶箏隨輦池苑鎖荒
涼嗟事逐鴻飛天遠香徑無人甚蒼蘚黃塵自滿聽鴉
啼春寂暗雨蕭蕭吹怨

一萼紅

寄弁陽翁

過薔薇正風暄雲淡春去未多時古岸停橈單衣試酒
滿眼芳草斜暉故人老經年賦別鐙暈裏相對夜何其

汎剡清愁買花芳事一卷新詩
流水孤帆漸遠想家
山猿鶴喜見重歸北阜尋幽
青津問釣多情楊柳依依
最難忘吟邊舊雨數菖蒲花
老是來期幾夕相思夢蝶
飛繞蘋溪

高陽臺

寄題蓀壁山房

石筍埋雲風篁嘯晚翠微高處幽居縹簡雲籤人間一點
塵無綠深門戶啼鵲外看堆牀寶晉圖書儘蕭閒浴
硯臨池滴露研朱舊時曾寫桃花扇弄霏香秀筆春
滿西湖松菊依然柴桑自愛吾廬冰絃玉柱風流在更
秋蘭香染衣裾照窗明小字珠璣重見歐虞

探芳訊

湖上春遊繼草窗韻

對芳晝甚怕冷添衣傷春疏酒正緋桃如火相看自依
舊閒簾深掩梨花雨誰問東陽瘦幾多時漲綠鶯枝墮
紅鶯聲隄上寶鞍驟記草色薰晴波光搖岫蘇小門
前題字尙存否繁華短夢隨流水空有詩千首更休言
張緒風流似柳

祝英臺近

杏花初梅花過時節又春半簾影飛梭輕陰小庭院舊
時月底鞦韆吟香醉玉曾細聽歌珠一串忍重見描
金小字題情生綃合歡扇老了劉郎天遠玉簫伴幾番

鶯外斜陽闌干倚徧恨楊柳遮愁不斷

踏莎行

題草窗十擬後

紫曲迷香綠窗夢月芳心如對春風說蠻牋象管寫新
聲幾番曾試瓊壺缺庾信書愁江淹賦別桃花紅雨
梨花雪周郎先自足風流何須更擬秦簫咽

浪淘沙

潑火雨初晴草色青青傍檐垂柳賣春餚畫舫載花花
解語綰燕吟鶯簫鼓入西泠一片輕陰鈿車羅蓋競
歸城別有水窗人喚酒弦月初生

四字令

蘭湯晚涼鸞釵半妝紅巾膩雪初香擘蓮房賭雙羅
紈素璫冰壺露牀月移花影西廂數流螢過牆

生查子

羅襦隱繡茸玉合消紅豆深院落梅鈿寒峭收燈後
心事卜金錢月上鵝黃柳拜了夜香休翠被聽春漏
壺中天

水西雲北記前回同載高陽伴侶一色荷花香十里偷
把秋期頻數脆管排雲輕撓噴雪不信催詩雨碧筒呼
酒秀牋題徧新句誰念病損文園歲華搖落事與孤
鴻去露井邀涼吹短髮夢入蘋洲菱浦暗草飛螢喬枝
翻鵲看月山中住一聲清唱醉鄉知有仙路

木蘭花慢

送客

折秦淮露柳帶明月倚歸船看佩玉紉蘭囊詩貯錦江
滿吳天吟邊喚回夢蝶想故山薇長已多年草得梅花
賦了權歌遠和離舷風絃盡入吟篇傷倦客對秋蓮
過舊經行處漁鄉水驛一路聞蟬留連漫聽燕語便江
湖夜語隔鐙前潮返潯陽暗水鴈來好寄瑤牋

祝英臺近

載輕寒低鳴鶻十里杏花雨露草迷煙縈綠過前浦青
靑陌上垂楊綰絲搖佩漸遮斷舊曾吟處聽鶯語吹
笙人遠天長誰翻水西譜淺黛凝愁遠岫帶眉嫵畫闌

閒倚多時不成春醉趁幾點白鷗歸去

清平樂

合歡扇子撲蝶花陰裏半醉海棠扶不起淡日鞦韆閒
倚寶箏彈向誰聽一春能幾番晴帳底柳絲吹滿不
教好夢分明

章臺月

露輕風細中庭夜色涼如水荷香柳影成秋意螢冷無
光涼入樹聲碎玉簫金縷西樓醉長吟短舞花陰地
素娥應笑人憔悴漏歇簾空低照半牀睡

青玉案

楚峰十二陽臺路算只有飛紅去玉合香囊曾暗度榴

裙翻酒杏簾吹粉不識愁來處
燕忙鶯嬾青春暮蕙
帶空留斷腸句草色天涯情幾許
茶蘼開盡舊家池館
門掩風和雨

浣溪沙

題草窗詞

玉雪庭心夜色空移花小檻鬪春紅
輕衫短帽醉歌重
彩扇舊題煙雨外玉簫新譜燕鶯中
闌干到處是春風

天香

宛委山房擬賦龍涎香

擣麝成塵薰薇注露風酣百和花氣品重雲頭葉翻蕉

樣其說內家新製波浮海沫誰喚覺鮫人春睡清潤俱
饒片腦芬醅半是沈水相逢酒邊花外火初溫翠鑪
煙細不似寶珠金縷領巾紅墜荀令如今憔悴消未盡
當時愛香意燼暖鎗寒秋聲素被
摸魚子

紫雲山房擬賦萼

遇垂虹四橋飛雨沙痕初漲春水腥波十里吳歛遠綠
蔓半縈船尾連復碎愛滑捲青綃香嫋冰絲細山人雋
味笑杜老無情香蘂碧澗空只賦芹美歸期早誰似
季鷹高致鱸魚相伴菰米紅塵如海丘園夢一葉又秋
風起湘湖外看采擷芳條際曉隨魚市舊遊漫記但望

裏江南秦鬟賀鏡渺渺隔煙翠

秋崖李萊老周隱

惜紅衣

寄弁陽翁

笛送西泠帆過杜曲晝陰芳綠門巷清風還尋故人屋
蒼華髮冷笑瘦影相看如竹幽谷煙樹晚鶯訴經年愁
獨殘陽古木書畫歸船怱怱又南北蘋洲鷗鷺素熟
舊盟續甚日浩歌招隱聽雨弁陽同宿料重來時候香
蕩幾灣紅玉

青玉案

題草窗詞卷

吟情老盡江南句，幾千萬垂絲。縷花冷絮飛寒食，路漁
煙鷗雨燕昏鶯曉。總入昭華譜。紅衣妝靚涼生，渚環
碧斜陽舊時樹。拈葉分題觴詠處。荀香猶在，庾愁何許，
雲冷西湖賦。

揚州慢

瓊花次韻

玉倚風輕粉，凝冰薄土花。祠冷無人聽吹簫。月底傳暮
草金城笑，紅紫紛紛成雨。遡空如蝶，恐墮珠塵，歎而今
杜郎還見應賦。悲春佩環何許，縱無情鶯燕，猶驚悵
朱檻。香消綠屏夢渺，腸斷瑤瓊九曲，迷樓依舊沈沈夜
想覓行雲，但荒煙幽翠，東風吹作秋聲。